

ნესტორ
ყუბანეიშვილი

კოპლე
მზარისათ

ნესტორ უზანვეიზვილი

მოკლე კატეკიზმი

„ხელონიგა“ — თბილისი — 1991



66.37
y 862

ნესტორ ყუბანეიშვილი ქუთაისის წმიდა გიორგის ეკლესიის მღვდელი, შემდეგ
არქიმანდრიტი, მთარგმნელი და საზოგადო მოღვაწე, თავის შემოქმედებით მოზარ-
დი თაობის ქრისტიანული ზნეობით აღზრდას ემსახურებოდა.

წინამდებარე ნაშრომი, რომელიც კმაწვილთადმი ელემენტარული საქრისტიანო
ცოდნის მისაწოდებლადაა გამიზნული, ამოღებულია მისი წიგნიდან „პირველდაწყე-
ბითი დარიგება საღმრთო სეჭულის სწავლებაზე“ (ქუთაისი, 1905 წ.) და რედაქტი-
რებულია ჩვენს მიერ თანამედროვე ენობრივ-სტილისტური ნორმების შესაბამისად.

ჭ. კალანდაძე
ე. გიუნაშვილი

კოპერატივი „მთაწმინდა“

Y 040300000
M—645(06)=90 © ნესტორ ყუბანეიშვილი, 1991

ქრისტიანული მოძღვრება

კითხვა: რომელი მოძღვრება უფრო საჭიროა ყოველი კაცისა-
თვის?

მიგება: ქრისტიანული მოძღვრება.

კ. რატომ არის ის საჭირო?

მ. იმიტომ, რომ იძლევა ნამდვილ ცოდნას ღმერთის შესახებ და
გვიჩვენებს საუკუნო ცხოვრებისა და ნეტარების გზას.

კ. რომელ მოძღვრებას იცავ შენ?

მ. მე ვიცავ იესო ქრისტეს მოძღვრებას და მწამს, რომ იესო არის
ღმრთის ქ.

კ. ამიტომ რა გეწოდება შენ?

მ. მე მეწოდება ქრისტიანი.

კ. ყველა ქრისტიანს ერთნაირად სწამს?

მ. ყველას ერთნაირად არ სწამს, ზოგიერთნი ჭეშმარიტ მოძღვრე-
ბას უკანონს უმატებენ.

კ. შენ როგორ გწამს?

მ. მე მწამს მართლად (ნამდვილად) ისე, როგორც გვასწავლეს
ჩვენ უფალმა ჩვენმა იესო ქრისტემ და მისმა მოციქულებმა.

კ. ამიტომ შენ კიდევ რა გეწოდება?

მ. მე მეწოდება მართლმადიდებელი ქრისტიანი.

კ. რა არის საჭირო სულის საცხოვრებლად (გადასარჩენად)?

მ. უნდა გვქონდეს ღმრთის მიმართ მართალი სარწმუნოება,
მტკიცე სასოება (იმედი), გულწრფელი სიყვარული ღმრთისა და
მოყვასისა.

სარწმუნოების სიმბოლო

კ. რა არის სარწმუნოება?

მ. სარწმუნოება არის უხილავის რწმუნება (დაჯერება), როგორც
ხილულისა.

კ. როგორ უფრო ადვილია ღმრთის მართალი სარწმუნოების
შესწავლა?

მ. სარწმუნოების სიმბოლოს საშუალებით.

კ. რა არის სარწმუნოების სიმბოლო?

მ. მოკლედ, მაგრამ ჭეშმარიტი სიტყვებით გადმოცემული მოძღ-
რება. იმის შესახებ, თუ რა უნდა სწამდეს ქრისტიანს.

კ. როგორ გამოითქმის სარწმუნოების სიმბოლო?

- მ.** 1) მრწამს ერთი ღმერთი, მამა ყოვლისა მპყრობელი, შემოქმედი ცათა და ქვეყანისა, ხილულთა ყოველთა და ორახილულთა;
- 2) და ერთი უფალი იესო ქრისტე, ძე ღმრთისა, მხოლოდშობილი, მამისაგან შობილი უწინარეს ყოველთა საუკუნეთა, ნათლისაგან, ღმერთი ჰეშმარიტი, ღმრთისაგან ჰეშმარიტისა, შობილი და ორა ქმნილი, თანაარსი მამისა, რომლისაგან ყოველი შეიქმნა;
- 3) რომელი ჩვენთვის, კაცთათვის, და ჩვენისა ცხოვრებისათვის გარდამოხდა ზეცით და ხორცი შეისხნა სულისაგან წმიდისა და მარიამისაგან ქალწულისა განვაცნა;
- 4) და ჯვარს ეცვა ჩვენთვის პონტოელისა პილატეს ზე, და ივნო, და დაეფლა;
- 5) და ოდგა მესამესა დღესა მსგავსად წერილისა;
- 6) და ამაღლდა ზეცად, და მჯდომარე არს მარჯვენით მამისა;
- 7) და ქვალად მომავალ არს დიდებით, განსჯად ცხოველთა და მკვდართა, რომლისა სუფევისა არა არს დასასრულ;
- 8) და სულიწმიდა, უფალი და ცხოველსმყოფელი, რომელი მამისაგან გამოვალს, მამისა თანა და ძისა თანა თაყვანისიცემების და იდიდების, რომელი იტყოლა წინასწარმეტყველთა შიერ;
- 9) ერთი წმიდა კათოლიკე და სამოციქულო ეკლესი.
- 10) აღვიარებ ერთსა ნათლისლებასა მოსატევებელად ცოდვათა;
- 11) მოველი აღდგომასა მკვდრეთით.
- 12) და ცხოვრებასა მერჩისა მის საუკუნისასა, ამინ.
- კ.** რამდენ ნაწილად, ანუ მუხლად განიყოფება სარწმუნოების სიმბოლო?
- გ.** თორმეტ მუხლად.

პირველი მუხლი

- კ.** რას ნიშნავს: მრწამს ერთი ღმერთი, მამა?
- გ.** მე მწამს, რომ არსებით ღმერთი არის ერთი, მაგრამ სამსახოვანი: პირველი სახე არის მამა ღმერთი, მეორე — ძე ღმერთი, მესამე — სულიწმიდა ღმერთი. ამიტომ ღმერთს ვუწოდებთ ყოვლადწმიდა სამებას, ერთაარსებას და განუყოფელს.
- კ.** ყოვლადწმიდა სამების სამივე სახე თანასწორი ლირსებისაა?
- გ.** სრული და თანასწორი ლირსების არიან და ამიტომ შეეფეფერება მათ ერთნაირი დიდება, პატივი და თაყვანისცემა.
- კ.** რა გვაქვს გამოცხადებული ღმრთის არსებისა და თვისებების შესახებ?
- გ.** ჩვენ გვაქვს გამოცხადებული, რომ ღმერთი არის სული საუკუნო. ყოვლადყეთოლი, ყოვლისმცოდნე, ყოვლადმართალი, ყოვლადმლიერი, ყოველგან მყოფი, უცვალებელი, ყოვლად ნეტარი.

- კ. რით განირჩევიან ყოვლადწმიდა სამების სახენი?
- მ. მამა ღმერთი არც იშობა და არც გამოდის სხვა პირისაგან; ძე ღმრთისა იშობა მამა ღმერთისაგან; სულიწმიდა გამოდის მამა ღმერთისაგან.
- კ. რატომ ვუწოდებთ ღმერთს ყოვლისა მპყრობელს?
- მ. იმიტომ, რომ მს ემორჩილება ყოველივე, რაც კი არის.
- კ. რატომ ვუწოდებთ ღმერთს შემოქმედს?
- მ. იმიტომ, რომ მან შექმნა ცა და ძველია, ყოველივე ხილული და უხილავი.
- კ. რას ვგულისხმობთ „უხილავში“?
- მ. ანგელოზებს.
- კ. რა არიან ანგელოზები?
- მ. უხორცო სულნი (უსეულონი), რომელთაც მინიჭებული აქვთ გონიერა, ნება და ძალა.
- კ. რას ნიშნავს სიტყვა: ანგელოზი?
- მ. მაუწყებელს (მოამბეს).
- კ. რატომ ეწოდებათ ასე?
- მ. იმიტომ, რომ ღმერთი აგზავნის მათ თავისი ნების მაუწყებლად.
- კ. რა არის მფარველი ანგელოზი?
- მ. ანგელოზი, რომელიც ყოველ ქრისტიანს ეძლევა ღმრთისაგან ნათლისღების დროს, რომ დაიფაროს მისი სული და ხორცი ყოველგვარი ბოროტებისა და ეშმაკისაგან.
- კ. რა არის ეშმაკი?
- მ. ცოდნილი და ღმრთისაგან შერისხული ანგელოზი, რომელსაც შურს კაცისა და ცდილობს, აცდუნოს და ჩაადენინოს ცოდნა.
- კ. როგორ უნდა დავიცვათ თავი ეშმაკის ცდუნებისაგან და ყოველგვარი ბოროტისაგან?
- მ. ქრისტი ღმერთის სახელით (ხსენებით), ლოცვითა და მარხვით.
- კ. რა არის ღმრთის განგება?
- მ. ღმრთის განგება არის ღმერთის მოქმედება, რომლითაც ის იფარებს ქმნილებათ მყოფობას. ყოველ კეთილ საქმეს ჩადის, ხოლო ბოროტს — სპობს, ან ასწორებს და მიმართავს კეთილი შედეგისაკენ.

მეორე მუხლი

- კ. რაზეა ლაპარაკი მეორე მუხლში?
- მ. ყოვლადწმიდა სამების მეორე სახის, ღმრთის ძის, იესო ქრისტეს, შესახებ.
- კ. რას ნიშნავს სიტყვა: იესო?
- მ. იესო ნიშნავს მაცხოვანს.

- კ. რას ნიშნავს ქრისტე?
- მ. ქრისტე ნიშნავს ცხებულს.
- კ. რატომ ეწოდება ღმრთის ძეს მაცხოვარი?
- მ. იმიტომ, რომ ის იშვა კაცთა საცხოვნებლად (გადასარჩენად).
- კ. რას ნიშნავს სიტყვები: მწამს იქსო ქრისტე, ძე ღმრთისა?
- მ. იმას, რომ უფალი იესო ქრისტე არის ძე ღმრთისა, ყოვლად-წმიდა სამების მეორე სახე.
- კ. რატომ ეწოდება მას მხოლოდშობილი?
- მ. იმიტომ, რომ ის არის მხოლოდ ერთი ძე ღმრთისა, შობილი მამა ღმრთის არსებისაგან.
- კ. რას ნიშნავს: შობილი უწინარეს ყოველთა საუკუნეთა?
- მ. იმას, რომ ის შობილია ყოველ დროზე ადრე, ე. ი. ის არის ისეთივე საუკუნო ძე ღმრთისა, როგორც საუკუნოა მამა ღმერთი.
- კ. რას ნიშნავს: ნათელი ნათლისაგან, ღმერთი ჰეშმარიტი, ღმრთი-საგან ჰეშმარიტისა შობილი?
- მ. იმას, რომ იესო ქრისტე არის ნათელი, და შობილი აგ-რეთვე ნათლისაგან, რომ ის არის ჰეშმარიტი ღმერთი და შობილი ასე-ვე ჰეშმარიტი ღმერთისაგან.
- კ. რას ნიშნავს: შობილი და არა ქმნილი?
- მ. იმას, რომ იგი შობილი არის მამა ღმერთისაგან და არა შექმნი-ლი, როგორც სხვა ქმნილებები.
- კ. რას ნიშნავს: თანაარსი მამისა?
- მ. რომ მას აქვს ერთიდაიგივე არსება მამა ღმერთთან.
- კ. რას ნიშნავს: რომლისაგან ყოველი შეიქმნა?
- მ. იმას, რომ ღმრთის ძისაგან შექმნილია ყოველივე, როგორც მა-მა ღმერთისაგან, ე. ი. ის არის ისეთივე შემოქმედი, როგორიცაა მა-მა ღმერთი.

შესამე მუხლი

- კ. რის შესახებ არის ლაპარაკი სიმბოლოს მესამე მუხლში?
- მ. ღმრთის ძის, იესო ქრისტეს განხორციელების შესახებ.
- კ. რას ნიშნავს სიტყვები: რომელი ჩვენთვის, კაცთაოვის და ჩვე-ნისა ცხოვრებისათვის გარღამოხდა ზეცით?
- მ. იმას, რომ ძე ღმრთისა ჩვენთვის, ყოველი ადამიანისათვის, და ჩვენი ხსნისათვის გადმოვიდა ზეციდან ქვეყნად.
- კ. სახელდობრ, რისგან უნდა გამოვეხსენით მას?
- მ. ცოდვის, წყევისა და სიკვდილისაგან.
- კ. რა არის ცოდვა?
- მ. ცოდვა არის სჯულის დარღვევა.
- კ. რა არის წყევა?

- გ. ცოდვის გამო კაცის დასჯა ღმრთის მართლმსაჭულებით.
- კ. რა არის სიკვდილი?
- გ. ხორციელი სიკვდილი არის ხორცისა და სულის გაყრა; ხოლო სულიერი სიკვდილი არის ღმრთის მათლის მოქლება.
- კ. რას ნიშნავს სიტყვები: და ხორცი შეისხნა სულისაგან წმიდისა და მარიამისაგან ქალწულისა განკაცნა?
- გ. იმას, რომ მან მარიამ ქალწულისაგან სულიწმიდის გაღმოსვლით მიიღო კაცის სხეული.
- კ. რას ნიშნავს: განკაცნა?
- გ. იმას, რომ ის შეიქმნა სრული კაცი, მიიღო არა მარტო სხეული, არამედ კაცის სულიც.
- კ. რას უწოდებს მართლმადიდებელი ეკლესია ყოვლადწმიდა ქალწულ მარიამს?
- გ. ღმრთისმშობელს და, როგორც ღმრთის დედას, ქერუბიმებსა და სერაფიმებზე მეტ პატივს სცემს.

მეოთხე მუხლი

- კ. რის შესახებ არის ლაპარაკი სარწმუნოების სიმბოლოს მეოთხე მუხლში?
- გ. იესო ქრისტეს ტანჯვისა და სიკვდილის შესახებ.
- კ. იესო ქრისტე როგორ ეტნავა და მოკვდა, როდესაც ის ჰეშმარიტი ღმერთია?
- გ. ის ეწამა და მოკვდა სხეულით, ე. ი. კაცობრივი ბუნებით და არა ღმრთაებრივით.
- კ. რას ნიშნავს სიტყვები: ჯვარს ეცვა ჩვენთვის, პონტოელისა პილატეს ზე?
- გ. იმ ს. რომ ტე ღმრთისა ჯვარს ეცვა ჩვენთვის პონტოელი პილატეს დროს. რომელიც იყო უკეთეს რომაელი მმართველი.
- კ. რას ნიშნავს სიტყვები: ივნო და დაეფლა?
- გ. იმას, რომ მან დაიომინა წამება, მოკვდა ჯვარზე და დაისაფლავეს.

მეხუთე მუხლი

- კ. რის შესახებ არის ლაპარაკი სარწმუნოების სიმბოლოს მეხუთე მუხლში?
- გ. იესო ქრისტეს მკვდრეობით ალლგომის შესახებ.
- კ. რას ნიშნავს სიტყვები: და ოლგა მესამესა დღესა მსგავსად წერილისა?

მ. იმას, რომ ქე ღმრთისა, იესო ქრისტე, აღდგა თავისი ღმრთაებრივი ძლიერებით, გაცოცხლდა სიკვლილის შემდეგ მესამე დღეს, როგორც წინასწარმეტყველთა მიერ იყო წინათვე თქმული და დაწერილი საღმრთო წერილში.

მეექვსე მუხლი

- კ. რის შესახებ არის ლაპარაკი მეექვსე მუხლში?
- მ. იესო ქრისტეს ზეცაში ამაღლების შესახებ.
- კ. რომელი ბუნებით ამაღლდა იესო ქრისტე ზეცაში, ღმრთაებრივით. თუ კაცობრივით?
- მ. ქაცობრივი ბუნებით. ხოლო ღმრთაებრივი ბუნებით ის ყოველთვის იმყოფებითდა ზეცაშიც და ქვეყანაზეც.
- კ. რას ნიშნავს სიტყვები: და მჯდომარე არს მარჯვენით მამისა?
- მ. ამაღლების შემდეგ ის დაჯდა მამა ღმერთის მარჯვენით, ესე იგი, მას აქვს ისეთივე ძალა, დიდება და პატივი. როგორც მამა ღმერთს.

მეშვიდე მუხლი

- კ. რის შესახებ არის ლაპარაკი მეშვიდე მუხლში?
- მ. ქვეყნად იესო ქრისტეს მეორედ მოსვლის, საშინელი სამსჯავროსა და საუკუნო სუფევის შესახებ.
- კ. რას ნიშნავს სიტყვები: და კვალად მომავალ არს დიდებით?
- მ. იმას, რომ იესო ქრისტე კიდევ (მეორედ) მოვა ქვეყნად თავისი დიდებით.
- კ. რისთვის მოვა იესო ქრისტე მეორედ?
- მ. ის მოვა, რათა განსაჭოს ყოველი ადამიანი. ცოცხლები (რომელნიც ცოცხლები იქნებიან მისი მეორედ მოსვლის დროს) და მკვდრები (რომელნიც აღდგებიან მეორედ მოსვლის წინ).
- კ. როგორ განსჯის ის?
- მ. ყოველი კაცის სინდისი გამოაშკარავდება და გამოჩნდება ყველა მათი საქმე, სიტყვა და გულისათვემა.
- კ. როდის მოვა ქრისტე განსასჯელად?
- მ. არავინ იცის. და ამიტომ ისე უნდა ვიცხოვროთ, რომ ყოველთვის მზად ვიყოთ მისი მოსვლისათვის.
- კ. რა იქნება საყოველთაო განსჯის შემდგომ?
- მ. ქრისტეს სასუფეველი, რომელსაც არ ექნება დასასრული.

შერვე მუხლი

- კ. რის შესახებ არის ლაპარაკი მერვე მუხლში?
- მ. ყოვლადწმიდა სამების შესამე სახის — სულიწმიდის შესახებ.
- კ. რატომ ეწოდება სულიწმიდას უფალი?
- მ. იმიტომ, რომ ის არის ჭეშმარიტი ღმერთი, როგორც მამა ღმერთი და ძე ღმერთი.
- კ. რატომ ეწოდება მას ცხოველმყოფელი?
- მ. იმიტომ, რომ ის სიცოცხლეს აძლევს მამა ღმერთსა და ძე ღმერთთან ერთად ყოველ ქმნილებას, განსაკუთრებით სულიერ სიცოცხლეს — ადამიანებს. მაშასადამე, ის არის ყოვლის შემოქმედი, როგორც მამა ღმერთი და ძე ღმერთი.
- კ. რას ნიშნავს სიტყვები: რომელი მამისაგან გამოვალს?
- მ. იმას, რომ სულიწმიდა გამოდის მამა ღმერთისაგან და ამით განიჩევა ყოვლადწმიდა სამების მეორე სახისაგან, ძე ღმერთისაგან, რომელიც მამისაგან იშვა.
- კ. საიდან ჩანს, რომ სულიწმიდა მამისაგან გამოდის?
- მ. იესო ქრისტეს სიტყვებიდან: სული ჭეშმარიტებისა, რომელი მამისაგან გამოვალს (იოან. 15, 26).
- კ. რას ნიშნავს სიტყვები: მამისა თანა და ძისა თანა თაყვანის — იცემების და იღიღების?
- მ. იმას, რომ სულიწმიდას თაყვანი უნდა ვცეთ და ვაღიდოთ ისე, როგორც გადიღებთ და თაყვანს ვცემთ მამას და ძეს.
- კ. რას ნიშნავს: რომელი იტყოდა წინასწარმეტყველთა მიერ? ,
- მ. იმას, რომ ის ლაპარაკობდა წინასწარმეტყველთა მიერ, ესე იგი, წინასწარმეტყველი ლაპარაკობდნენ და წერდნენ სულიწმიდის შთაგონებით.

შეცხრე მუხლი

- კ. რის შესახებ არის ლაპარაკი შეცხრე მუხლში?
- მ. ეკლესიის შესახებ.
- კ. რა არის ეკლესია?
- მ. ეკლესია არის ქრება ანუ საზოგადოება ყველა მართლმადიდებელი ქრისტიანისა, ხოლო მართლმადიდებელი ქრისტიანი თითოეული ცალკე არის ეკლესიის წევრი. ამ საზოგადოებაში მუდამ იმყოფება და მოქმედებს ქრისტე თავისი მადლით.
- კ. რატომ არის ეკლესია ერთი?
- მ. იმიტომ, რომ მას პყავს ერთი თავი ქრისტე, მასში მოქმედებს ერთი სულიწმიდა და ეკლესიის ყველა წევრს აქვს ერთი სარწმუნოე-

- ბა და სულიერად შეადგენენ ერთ მთლიანობას.
- კ. რატომ ეწოდება ეკლესიას წმიდა?
- მ. იმიტომ, რომ განწმედილია იქსო ქრისტესაგან მისი ტანჯვით, მოძღვრებით, ლოცვით და საიდუმლოებებით.
- კ. რატომ ეწოდება ეკლესიას წმიდა, როცა მასში არიან ცოდვილნიც?
- მ. ცოდვილნი ინანიებენ ცოდვებს და ღმრთის მადლის ძალით მოიქცევიან; ხოლო შეუზნებელი ცოდვილები, როგორც ხისაგან ხმელი ტოტები, იკვეთებიან ეკლესიისაგან.
- კ. რატომ ეწოდება ეკლესიას კათოლიკე, ანუ საყოველთაო (მსოფლიო)?
- მ. იმიტომ, რომ მას ეკუთვნიან ყოველი ადგილის, ღროისა და ხალხის მორწმუნები.
- კ. რატომ ეწოდება ეკლესიას სამოციქულო?
- მ. იმიტომ, რომ ის შეუცვლელად იცავს მოციქულთაგან მიღებულ მოძღვრებას და მოციქულთაგანვე აქვს მიღებული თავისი იერარქია.
- კ. რა არის იერარქია?
- მ. იერარქია არის მღვდელთმთავრობა, ანუ საეკლესიო მთავრობა, რომელიც მართავს და განაგებს ეკლესიურ საქმეებს.
- კ. მოციქულებიდან რა სახით მომდინარეობს მაღლი იერარქიაში?
- მ. საღმრთო ხელდასხმის მეშვეობით მღვდლად კურთხევის საიდუმლოს აღსრულებისას.
- კ. რომელი საეკლესიო მთავრობა განაგებს მთელ კათოლიკე ეკლესიას?
- მ. მსოფლიო კრება.
- კ. რომელ საეკლესიო მთავრობას ემორჩილებიან მსოფლიო ეკლესიის უმთავრესი ნაწილები?
- მ. უწმინდეს პატრიარქებს და უწმინდეს სინოდს.

მეათე მუხლი

- კ. რის შესახებ არის ლაპარაკი მეათე მუხლში?
- მ. ნათლისლებისა და სხვა საიდუმლოთა შესახებ.
- კ. რა არის საიდუმლო?
- მ. საიდუმლო არის ისეთი მღვდელმოქმედება, რომელშიც უხილევად (საიდუმლოდ) მიეცემათ მორწმუნებს მაღლი, ანუ ძალა სულიწმიდისა.
- კ. რამდენი საიდუმლო არსებობს?
- მ. შვიდი: ნათლისლება, მირონცხება, ზიარება, სინანული, მღვდელობა, ქორწინება და ზეთის კურთხევა.

- კ. როგორ სრულდება ნათლისლება?
- მ. მოსანათლავს სამჯერ ჩაუშვებენ წყალში და წარმოთქვამენ სი-
ტყვებს: „ნათელს იღებს მონა ღმრთისა (ანუ მხევალი ღმრთისა) (სა-
ხელს წარმოთქვამენ) სახელითა მამისაითა და ძისაითა და სულისა
წმიდისაითა“.
- კ. რატომ ინათლება კაცი?
- მ. იმიტომ, რომ იწმინდება ცოდვებისაგან და იღებს მადლით
შემოსილ ახალ ცხოვრებას.
- კ. რატომ არაან ნათლისლების დროს მიმქმელნი (ნათლიები)?
- მ. იმიტომ, რომ თავშდები იყვნენ ეკლესის წინაშე მონათლუ-
ლის სარწმუნოებაზე და შემდეგ იზრუნონ იმაზე, რომ განამტკიცონ
ბასში სარწმუნოება.
- კ. რატომ არის ნათქვამი სიმბოლოში: აღვიარებ ერთსა ნათლის-
ლებასა?
- მ. იმიტომ, რომ ნათლისლება არ განმეორდება.
- კ. რატომ ჰქიდებენ მონათლულს გულზე ჭვარს?
- მ. რათა მუდამ ახსოვდეს, რომ არ შეიძლება ცხოვანება
(ხსნა), თუ არ გვწას ჭვარცმული ქრისტე. ამასთან, ჭვარი იფარავს
კაცს ყოველი ბოროტისაგან.
- კ. როგორ სრულდება მირონცხება?
- მ. მონათლულს ცხებენ წმიდა მირონს და წარმოთქვამენ სი-
ტყვებს: „ბეჭედი მონიჭებულ არს სულისა მიერ წმიდისა“.
- კ. რა ეძლევა კაცს საიდუმლო მირონცხებით?
- მ. სულიწმიდის მადლი, რომლის შემწეობით კაცი იზრდება და
ძლიერდება სულიერ ცხოვრებაში.
- კ. რა არის ზიარება?
- მ. ის, რომ მორწმუნე პურის და ლვინის სახით მიიღებს ქრისტეს
წეშმარიტ ხორცია და სისხლს.
- კ. რა სიყეთეს მიიღებს მაზიარებელი?
- მ. ის უხილავად უერთდება ქრისტეს და საუკუნო ცხოვრების
მოზიარე ხდება.
- კ. როგორ უნდა მოვემზადოთ წმიდა ზიარებისათვის?
- მ. მარხვით, ლოცვით, ყველასთან შერიგებით, სინანულისა და
აღსარების საიდუმლოთი.
- კ. რაში მდგომარეობს სინანული?
- მ. იმაში, რომ მონანულმა აღიაროს მდგდლის წინაშე ის ცოდვე-
ბი, რასაც მონათვლის შემდეგ შეცოდებს. ასე, მღვდლის მეშვეობით
მიიღებს შენდობას თვით იესო ქრისტესაგან.
- კ. რა მოეთხოვება სინანულში მყოფს?
- მ. ცოდვებზე წუხილი, განზრახვა—გამოასწოროს თავისი ცხოვ-
რება, განამტკიცოს სარწმუნოება ქრისტესადმი და მისი მოწყალების
იმედი პქონდეს.

- კ. რა არის მღვდელობა?
- მ. ის, რომ ღირსეულად ამორჩეულს ეპისკოპოსის ლოცვით და ხელდასხმით მიეცემა შადლი, რათა შეასრულოს საიდუმლონი და უპატრონოს ქრისტეს სამწყსოს.
- კ. მღვდლობის რა ხარისხები ვიცით?
- მ. სამი: ეპისკოპოსის, მღვდლისა და დიაკვინის. დიაკვანი ეხმარება ეპისკოპოსს და მღვდელს საიდუმლოთა შესრულების დროს; მღვდელი თვითონ ასრულებს საიდუმლოებებს; ეპისკოპოსის, გარდა იძისა, რომ თავად ასრულებს საიდუმლოებებს, უფლება აქვს, აკურ-თხოს სხვა სამღვდელო პირი საიდუმლოთა შესსრულებლად.
- კ. რა არის ქორწინების საიდუმლო?
- მ. ის, რომ სასიძოსა და სასძლოს თავისუფალი თანხმობისას კურთხეული ხდება მათი შეუძლეობრივი კავშირი, ეკლესიასთან ქრისტეს სულიერი კავშირის მსგავსად.
- კ. რა მოეთხოვება მათ, რომლებიც ქორწინდებიან?
- მ. ერთმანეთის სიყვარული, ერთგულება და შვილების აღზრდა ჰეშმარიტ სარწმუნოებასა და კეთილმსახურებაში.
- კ. როგორ სრულდება ზეთის კურთხევა?
- მ. მორწმუნებს სცებენ ნაკურთხ ზეთს და მოუწოდებენ მასზე სულიწმიდის მადლს, რომელიც კურნავს სულიერ და ხორციელ უძლურებათაგან.

მეთერთმეტე მუხლი

- კ. რის შესახებ არის ლაპარაკი მეთერთმეტე მუხლში?
- მ. მკვდრების აღდგომის შესახებ.
- კ. როგორ მოხდება მკვდრების აღდგომა?
- მ. ყოველი მკვდარი ადამიანის სული ხელახლად შეისხამს ხორცს და ასე, ადამიანი გაცოცხლდება, აღდგება მკვდრეთით და ამის შემდეგ უხრწნელი და უკვდავი იქნება.
- კ. რა საზით შეუძლია აღდგომა სხეულს, რომელიც უკვე გახრწნილია და გაბნეული?
- მ. ეს მოხდება ღმრთის ძალით, ღმერთმა პირველად კაცის სხეული მიწისაგან შექმნა, მას შეუძლია მიწაში გაბნეულიც გაიახლოს.
- კ. ყველა აღდგება?
- მ. ყველა; ხოლო იმ კაცთა სხეული, რომელიც აღდგომის დროსათვის ცოცხალი იქნებიან, წამიერად (მეყსეულად) შეიცვლებიან უხრწნელად.
- კ. როდის მოხდება მკვდრების აღდგომა?
- მ. ამ ხილული ქვეყნის დასასრულს.
- კ. ნუთუ ქვეყნაც დასრულდება (ბოლო მოეღება)?

- მ. ეს გახრწნადი ქვეყანა დასრულდება იმით, რომ შეიცვლება უხრწნელად, ინება ახალი ცა და ახალი ქვეყანა.
- კ. რა ძლგომარეობაში არიან გარდაცვლილთა სულები მკვდართა საერთო აღდგომამდე?
- გ. მართალთა სულები ნეტარებენ, თუმცა არასრულად; ცოდვილთა სულნი იტანჯებიან, მაგრამ ასევე არასრულად; სრული მისაგებელი ადამიანებს საშინელი განსჯის შემდგომ მიენიჭებათ.
- კ. მოეხმარება რაიმე გარდაცვლილთა სულებს, რომელთაც ვერ მოასწრეს მონანიება?
- გ. ჩათი დახმარება შეუძლია მათვის აღვლენილ ლოცვას.

მეთორმეტე მუხლი

- კ. რის შესახებ არის ლაპარაკი მეთორმეტე მუხლში?
- მ. მომავალი საუკუნი ცხოვრების შესახებ, რომელიც დადგება მკვდრების აღდგომისა და საშინელი განსჯის შემდეგ.
- კ. როგორი იქნება ეს ცხოვრება?
- გ. ეს ცხოვრება მართალთათვის იქნება ისეთი ნეტარი, რომ ჩვენ წარმოდგენაც არ შეგვიძლია, ხოლო ცოდვილთათვის მეტად სატანჯველი.
- კ. რას ნიშნავს სიტყვა „ამინ“?
- გ. სიტყვა „ამინ“ ნიშნავს: ჰეშმარიტად, ასეა. როდესაც დავამთვრებთ ამ სიტყვით სარწმუნოების სიმბოლოს, ჩვენ ვადასტურებთ, რომ გვწამს ისე, როგორც წარმოვთქვით.

სასოება (იმადი)

- კ. რა არის ქრისტიანული სასოება?
- მ. გულის დამშვიდება ღმრთის მიმართ რწმენით, რომ დაუცხრომლად ზრუნავს ჩვენი სსინისათვის და გვანიჭებს აღთქმულ ნეტარებას.
- კ. რა საშუალება გვაქვს სასოების მოსაპოვებლად?
- მ. სასოების მოსაპოვებელი საშუალება არის ლოცვა.
- კ. რა არის ლოცვა.
- მ. გონიერისა და გულის ამაღლება ღმრთის მიმართ.
- კ. რას ვეუბნებით ღმერთს ლოცვისას?
- მ. ლოცვისას ვთხოვთ ღმერთს იმას, რაც ჩვენთვის საჭიროა; მაღლობას ვწირავთ მას ყოველივე მოწყალებისათვის, რომელიც მან მოგვანიჭა და ვაღიდებთ მისი ღმრთაებრივი უაღრესობისათვის.
- კ. შეიძლება უსიტყვოდ ლოცვა?
- მ. შეიძლება გონიერით და გულით, ამიტომ მას შინაგანი ლოცვა

ეწოდება; მაგრამ ის არ ჭმარა: შინაგანი ლოცვა უნდა გამოვხატოთ სიტყვითა და ლოცვის გარეგანი ნიშნებით.

კ. რომელი ლოცვა არის უმთავრესი და უსაჭიროესი ყოველი ქრისტიანისათვის?

მ. საუფლო ლოცვა.

საუცლო ლოცვა

კ. როგორ წარმოითქმის საუფლო ლოცვა?

მ. მამაო ჩვენო, რომელი ხარ ცათა შინა! წმინდა იყავნ სახელი შენი, მოვედინ სუფევა შენი, იყავნ ნება შენი, ვითარცა ცათა შინა, ეგრეცა ქვეყანასა ზედა. პური ჩვენი არსობისა მომეც ჩვენ დღეს და მომიტევენ ჩვენ თანანადებნი ჩვენი, ვითარცა ჩვენ მიუტევებთ თანამდებთა მათ ჩვენთა, და ნუ შემიყვანებ ჩვენ გასსაცდელსა, არამედ მიხსენ ჩვენ ბოროტისაგან რამეთუ შესი არს სუფევა, ძალი და დიდება უკუნისამდე, ამინ.

კ. რატომ ეწოდება ამ ლოცვას საუფლო?

მ. იმიტომ, რომ თვითონ ჩვენმა უფალმა იესო ქრისტემ ასწავლა იგი თავის მოწაფეებს, რომლებმაც შემდეგ გადასცეს იგი ყველა ქრისტიანს.

კ. როგორ შეიძლება მისი დაყოფა?

მ. მოწოდებად, შვიდ თხოვნად და დიდებისმეტყველებად.

მოწოდება

კ. როგორ გამოითქმის მოწოდება?

მ. მამაო ჩვენო, რომელი ხარ ცათა შინა.

კ. ღმერთს რატომ უუწოდებთ მამას?

მ. უფალმა იესო ქრისტემ მოგვცა ჩვენ, მორწმუნებს ეს უფლება, ვინაიდან მას ვუყვარებოთ, როგორც მამას, და ლოცვის დროს უნდა მივიქცეთ ღმრთისადმი სიყვარულითა და იმედით, როგორც შვილი თავის მამისადმი.

კ. ყოველთვის უნდა ითქვას: მამაო ჩვენო, თუნდაც ერთი ვინ-მე ლოცულობდეს?

მ. უსათუღლ, იმიტომ, რომ მარტო ჩვენი თავისთვის კი არ უნდა ვლოცულობდეთ, არამედ სხვისთვისაც.

კ. რატომ ვამბოთ: რომელი ხარ ცათა შინა, როდესაც ღმერთი ყველგან მყოფია?

მ. ღმერთი ყველგან მყოფია, მაგრამ ცათა შინა არის მისი განსაკუთრებული სამყოფელი; ამიტომ როცა ლოცვას ვიწყებთ, უნდა ვიღიქროთ, ზეციურზე და დავივიწყოთ ყოველივე ქვეყნიური.

პირველი ობოვნა

- კ. როგორ გამოითქმის პირველი ობოვნა?
- მ. წმიდა იყავნ სახელი შენი.
- კ. რას ვთხოვთ ღმერთს ამ სიტყვებით?
- მ. ამ სიტყვებით ჩვენ ვთხოვთ ღმერთს, რომ შეგვეწიოს, რომ ვიცხოვროთ წმიდად და ჩვენი კეთილი საქმეებით მისი წმიდა სახელის დიდება გავავრცელოთ ადამიანთა შორის, რომ მათაც, როცა იხილავენ ჩვეს კეთილ საქმეებს, ადიდონ ჩვენი ზეციერი მამა.

მეორე ობოვნა

- კ. როგორ გამოითქმის მეორე ობოვნა?
- მ. მოვედინ სუფევა შენი.
- კ. რას ვთხოვთ ღმერთს ამ სიტყვებით?
- მ. ამ სიტყვებით ვთხოვთ, რომ უფალი, რომელმაც ქვეყანაზე დააფუძნა თავისი მაღლის სუფევა, ე. ი. ღმრთის ეკლესია, და რომელმაც ჩვენ, ქრისტიანები, ამ თავის სუფევაში მიგვიღო, შეგვეწიოს, რომ ვიყოთ მისი სუფევის ჭეშმარიტი შვილები ქვეყანაზე; ესე იგი, არა მარტო გვერქვას ქრისტიანები, არამედ ვცხოვრობდეთ კი-დეც ქრისტანულად.

მესამე ობოვნა

- კ. როგორ გამოითქმის მესამე ობოვნა?
- მ. იყავნ ნება შენი, ვითარცა ცათა შინა, ეგრეცა ქვეყანასა ზედა.
- კ. რას ვთხოვთ სიტყვებით: იყავნ ნება შენი?
- მ. ვთხოვთ, რომ ყოველივე, რასაც ჩვენ ვაკეთებთ და რაც შეგვემთხვევა, მოხდეს ისე კი არა, როგორც ჩვენ გვინდა, არა-მედ როგორც ღმერთს ნებავს, რადგან ღმერთმა უკეთ იცის, რა არის ჩვენთვის სასაჩევბლო და საჭირო?
- კ. რატომ ვუმატებთ: ვითარცა ცათა შინა?
- მ. იმიტომ, რომ ზეცაში ანგელოზები და წმინდანები ყოველთვის ასრულებენ ღმრთის ნებას.

მეოთხე ობოვნა

- კ. როგორ გამოითქმის მეოთხე ობოვნა?
- მ. პური ჩვენი არსობისა მომეც ჩვენ დღეს.
- კ. რას ვითხოვთ ამ სიტყვებით?
- მ. ვითხოვთ, რომ ღმერთმა მოგვცის ყოველ დღეს, რაც საჭიროა

ჩვენი არსებობისათვის, სახელდობრ: საჭმელი, სასმელი, ტანისამოსი, ბინა; აგრეთვე მაღლი, სულიერი საზრდელი, რაც აუცილებელია ადა-მიანის სულიერი არსებობისათვის.

მეხუთე თხოვნა

- კ. როგორ გამოითქმის მეხუთე თხოვნა?
მ. და მოგვიტევენ ჩვენ თანანადებნი ჩვენნი, ვითარცა ჩვენ მი-
უტივებთ თანამდებთა მათ ჩვენთა.
კ. რას ვითხოვთ ამ სიტყვებით?
მ. ვითხოვთ, რომ ღმერთმა გვაპატიოს ჩვენი ცოდნები, როგორც
ჩვენ ვაპატიებთ ადამიაბებს, რომლებმაც გვაწყენინეს და შეგვაწუხეს.
კ. რა იქნება, თუ ჩვენ ვთხოვთ ღმერთს ცოდვათა პატიებას და
თვითონ კი არ ვაპატიებთ სხვებს?
მ. მაშინ არც ჩვენ გვაპატიებს ღმერთი ჩვენს ცოდვებს.

მეექვსე თხოვნა

- კ. როგორ გამოითქმის მეექვსე თხოვნა?
მ. და ნუ შემიყვანებ ჩვენ განსაცდელსა.
კ. რა არის განსაცდელი?
მ. განსაცდელი არის ცხოვრებაში ისეთი შემთხვევა, რომლის
დროსაც ადვილად შეგვიძლია დავკარგოთ სარწმუნოება, ან ჩავვარდეთ
მძიმე ცოდვაში.
კ. საიდან მოდის განსაცდელი?
მ. ჩვენი ხორციდან, საწუთხოსაგან, კაცთა და ეშმაკთაგან.
კ. რას ვითხოვთ სიტყვებით: და ნუ შემიყვანებ ჩვენ განსაც-
დელსა?
მ. ვითხოვთ, რომ ღმერთმა აგვაშოროს განსაცდელი, ან მოგვ-
ცეს ძალა, რომ ვძლიოთ განსაცდელს და არ ჩავიდინოთ ცოდვა.

მეშვიდე თხოვნა

- კ. როგორ გამოითქმის მეშვიდე თხოვნა?
მ. არამედ გვიხსენ ჩვენ ბოროტისაგან.
კ. რას ვითხოვთ ამ სიტყვებით?
მ. ვითხოვთ, რომ ღმერთმა გამოგვიხსნას ყოველი ბოროტისა და
გასაჭირისაგან, აგრეთვე ცოდვისა და ეშმაკისაგან.

დიდების მეტყველება

- კ. როგორ გამოითქმის დიდების მეტყველება?
- მ. რამეთუ შენი არს სუფევა, ძალი და დიდება მამისა და ძისა და წმიდისა სულისა აწ და მარადის და უკუნითი უკუნისამდე, ამინ.
- კ. რას გამოვხატავთ დიდების მეტყველებით?
- მ. დიდების მეტყველებით გამოვხატავთ იმედს, რომ მივიღებთ, რაც ვთხოვთ, რადგანაც ღმერთს ეკუთვნის სუფევა და მას შეუძლია ყოველივე რასაც ჩენ ვთხოვთ; მას ეკუთვნის ძალა და შეუძლია მოგვცეს, რაც ვთხოვთ; მას ეკუთვნის დიდება, ვინაიდან არის კეთილდა და მრავალმოწყალე.

სიყვარული

- კ. რა არის ქრისტიანული სიყვარული?
- მ. ქრისტიანული სიყვარული არის ღმრთის სჯულის (კანონის) ძალდაუტანებლად და გულწრფელად შესრულება.
- კ. რა არის ღმრთის სჯული?
- მ. ღმრთის სჯული არის კანონი მორწმუნეთა ყოფა-ქცევის შესახებ. ეს იგი, კანონი. რომელიც გვიჩვენებს, როგორ უნდა იცხოვოს მორწმუნებ.
- კ. სად სწერია ეს კანონი?
- მ. პირველად თითოეული კაკის გულში, ეს არის შინაგანი სჯული; და მეორედ — ღმრთის მცნებაში, ეს არის გარეგანი სჯული.
- კ. რა ჰქვია შინაგან სჯულს?
- მ. სინდინი.
- კ. რომელია უმთავრესი მცნებები?
- მ. ათი მცნება, რომლებიც მოგვცა ღმერთმა სინას მთაზე მოსეს მიერ, და რომლებიც დაწერილი იყო ქვის ორ დაფაზე.
- კ. რაზე მიანიშნებს ის, რომ ათი მცნება დაწერილი იყო ქვის ორ დაფაზე?
- მ. იმაზე, რომ ისინი შეიცავენ ორგვარ სიყვარულს: ღმრთის სიყვარულს და მოყვასის სიყვარულს.
- კ. რა არის ღმრთის სიყვარული?
- მ. ღმრთის მიმართ იმ მოვალეობათა ჭეშმარიტად შესრულება, რომელთაც გვიწესებს ღმრთის სჯული.
- კ. რა არის მოყვასის სიყვარული?
- მ. მოყვასის მიმართ იმ მოვალეობათა ჭეშმარიტად აღსრულება, რომელთაც გვიწესებს ღმრთის სჯული.



- კ. რომელ მცნებებშია ლაპარაკი ღმრთის მიმართ კაცის მოვალეობაზე?
 მ. პირველ ოთხ მცნებაში.
 კ. რომელ მცნებებშია ლაპარაკი კაცის მოვალეობაზე მოყვასის მიმართ?
 მ. უკანასკნელ ექვს მცნებაში.
 კ. ვინ არის ჩეენი მოყვასი?
 მ. ყოველი ადამიანი.

ათი მცნება

პირველი მცნება

- კ. როგორ გამოითქმის პირველი მცნება?
 მ. მე ვარ უფალი ღმერთი შენი, და არა იყავნ შენდა ღმერთი სხვანი ჩემსა გარეშე.
 კ. რას გვიბრძანებს ღმერთი პირველი მცნებით?
 მ. პირველი მცნებით ღმერთი გვიბრძანებს, ვცნოთ და პატივი ვცეთ მას, გვწამდეს იგი, იმედი გვქონდეს მისი, გვიყვარდეს იგი და გამორჩილებოდეთ მის ნებას, თაყვანი ვცეთ მას, ვადიდოთ იგი; ემაღლობდეთ ღმერთს მის მოწყვლების გამო და ვავედროთ მას; ვაღიაროთ იგი, ესე იგი, ყოველი კაცის წინაშე ვცნოთ იგი ჩეენს ღმერთად და არ უარვყოთ იგი.
 კ. რა უნდა ვქნათ, რომ ვცნოთ ღმერთი?
 მ. ბეჭითად ვისმინოთ ომრთის სიტყვა ეკლესიაში, ვიკითხოთ საომრთო წერილი და წმიდა მამათა ნაწერები, ვიკითხოთ და მოვისმინოთ მართლმადიდებელი ეკლესის მიერ მოწონებული სხვა სასულიერო შინაარსის წიგნები.
 კ. რომელი ცოდვებია პირველი მცნების წინააღმდეგი?
 მ. 1. უღმრთოება, როდესაც უგნურები თავიანთ გულში ამბობენ: ღმერთი არ არისო; 2. მრავალმერთობა, როდესაც აღიარებენ მრავალ ცრულმერთებს; 3. ურწმუნოება; 4. მწვალებლობა; 5. განდგომიება; 6. სასოწარკვეთილება; 7. მკითხაობა და ცრუმორწმუნეობა.
 კ. ანგელოზთა და წმიდათა მიმართ პატივისცემა ეთანხმება პირველ მცნებას?
 მ. მათი კანონიერი პატივისცემა ამ მცნების თანახმაა, ვინაიდან მათი სახით პატივს ვცემთ ღმერთის მაღლს, რომელიც მათ შორის დამკვიდრებულა, მათ მიერ მოქმედებს და შეწევნასაც მათ მიერ გთხოვთ ღმერთს.

შეორე მცნება

კ. როგორ გამოითქმის მეორე მცნება?

მ. არა პტერე თავისა შენისა კერპი, არცა ყოვლადვე მსგავსი, რაოდენი არს ცათა შინა ზე, და რაოდენი არს ქვეყანასა ზედა ქვე, და რაოდენი არს წყალთა შინა და ქვეშე ქვეყანისა; არა თაყვანისკე მათ და არცა პმსახურებდე მათ.

კ. რას გვიკრძალავს ღმერთი ამ მცნებით?

მ. ერჩოთ თაყვანისცემას.

კ. რა არის კერპი?

მ. აერპი არის ცრულმერთის ქანდაკება.

კ. მეორე მცნება ხატთა თაყვანისცემას არ გვიკრძალავს?

მ. არ გვიკრძალავს, რაღაც ხატები ჭეშმარიტი ღმერთისა და მისი წმიდანების გამოსახულებებია და, როცა ჩვენ მათ თაყვანს გვეტოთ, გონიერის თვალით უნდა მივხელოთ ღმერთს და იმ წმინდანებს, რომლებიც ხატებზე არიან გამოსახული.

კ. რა ცოდვებს გვიკრძალავს ეს მცნება?

მ. კერპთაყვანისცემას, ახგარებას, ნაყროვანებას, სიმთვრალეს, ამარტავნებას და მედიდურობას.

მესამე მცნება

კ. როგორ გამოითქმის მესამე მცნება?

მ. არა მოილო სახელი უფლისა ღმრთისა შენისა ამაოსა ზელა.

კ. რას გვიკრძალავს ღმერთი ამ მცნებით?

მ. ღმრთის სახელის ცუდად და ტყუილ-უბრალოდ ხსენებას.

კ. როდის უნდა გახსენოთ ღმერთის სახელი?

მ. ღოცესას და საღმრთო სწავლისას.

კ. რა ცოდვებს გვიკრძალავს ეს მცნება?

მ. ღმრთის გმობას, მის მიმართ საყვედურს, დაკინვას, როცა საღმრთო საგნებს გახდიან სახუმროლ, ან საგინებლად; უყურადღებობას ლოცვებს მიმართ, ღმრთისათვის მიცემული აღთქმის დარღვევას და ტყუილ-უბრალოდ დაფიცებას.

მეოთხე მცნება

კ. როგორ გამოითქმის მეოთხე მცნება?

მ. მოიხსენე დღე იგი შაბათი და წმიდა ჰყავ იგი: ექვს დღე იქმო-ედე და პტერე მათ შინა ყოველივე საქმე შენი; ხოლო დღე იგი მე-შვიდე, შაბათი, არს უფლისა ღმრთისა შენისა.

- კ. რას გვიბრძანებს ღმერთი ამ მცნებით?
- გ. ექვს დღეს მუშაობას და საქმის კეთებას, ხოლო მეშვიდე დღის ღმრთისათვის შეწირვას.
- კ. კვირაში რომელი დღე უნდა შევწიროთ ღმერთს? ანუ ვიდღე-სასწაულოთ?
- გ. ძველი ოლტემის ეკლესიაში დღესასწაულობდნენ შაბათს, ხოლო ქრისტიანები — კვირა დღეს. კვირა დღის გარდა ღმერთს უნდა შევწიროთ სხვა საღდესასწაულო ფლებიც, რომლებიც დადგენილია ჩვენი უფლის იესო ქრისტეს, ღმრთისმშობლისა და წმინდანთა საღი-დებლად.
- კ. როგორ უნდა გავატაროთ კვირა და სხვა დღესასწაულები?
- გ. უნდა დავესწროთ ღმრთისმახურებას ტაძარში, მხურებალედ გილოცოთ, ვიკითხოთ საღმრთო წერილი და სხვა სულის მაცხოვნებელი წიგნები. უნდა შევწიროთ რაიმე ტაძრის სასარგებლოდ და მის მო-სამსახურეთათვის; აღმოუჩინოთ შემწეობა ღარიბებს, მოვინახულოთ ავაღმყოფები, საპყრობილები მყოფნი და სხვა.
- კ. რა უნდა ვიფიქროთ იმათ შესახებ, ვინც დღესასწაულის დღე-ებში უწესო თამაშობითა და უზომო ჭამა-სმით ერთობა?
- გ. ისინი არღვევენ დღესასწაულის სიწმიდეს.
- კ. დღესასწაულების გარდა რომელ დღეებს ვწირავთ ღმერთს?
- გ. მარხვის დღეებს.
- კ. რა ცოდვებს გვიყრძალავს ეს მცნება?
- გ. სიზარმაცესა და უქმად ყოფნას.

მეხუთე მცნება

- კ. როგორ გამოითქმის მეხუთე მცნება?
- გ. პატივ-ეც მამასა შენსა და დედასა შენსა, რათა კეთილი გეყოს შენ და დღეგრძელ იყო ქვეყანასა ზედა.
- კ. რას გვიბრძანებს ღმერთი ამ მცნებით?
- გ. მშობელთა პატივისკემას და მათ მორჩილებას.
- კ. კიდივ რა მოგალეობა გვაძეს მშობელთა წინაშე?
- გ. 1. მათთვის უნდა ვევეღროთ ღმერთს, როგორც მათ სიცოცხ-ლეში, ასევე სიკადილის შემდეგ; 2. უნდა ვეხმარებოდეთ მათ შრომი-სა და გაჭირვების დროს; 3. უნდა გამოვავებოთ და მოვასვენოთ ისინი ავაღმყოფობისა და მოხუცებულობის დროს; 4. სწორად ავასრულოთ მათი ანდერძი, თუკი ღმრთის სჯულისა და სამოქალაქო კანონის წი-ნააღმდეგი არ არის.
- კ. რას პატივდება ღმერთი დედ-მამის პატივისმცემლებს?
- გ. ბეღნიერ და ხანგრძლივ სიცოცხლეს.
- კ. მარტო მშობლებს უნდა ვცეთ პატივი?
- გ. მშობლებს გარდა პატივი უნდა ვცეთ იმათაც, რომელთაც

სხვადასხვა შემთხვევაში უჭირავთ მშობელთა ადგილი, სახელდობრი:
1. სულიერ მწყემსებსა და მასწავლებლებს; 2. უფროსებს; 3. აღმზრდელებსა და კეთილისმყოფელებს; 4. ასაკით უხუცესებს.

მეექვსე მცნება

- კ. როგორ გამოითქმის მეექვსე მცნება?
გ. არა კაც-პელა.
კ. რას გვიპრძალავს იგი?
გ. მკვლელობას, ანუ ადამიანის სიცოცხლის მოსპობას, რა სახითაც არ უნდა იყოს.
კ. ხუთუ ყველა მკვლელობა სჯულის (კანონის) წინააღმდეგია?
გ. ყველა არა, და სახელდობრი: 1. როცა დამნაშავეს სიკვდილით სჯიან მართლმსაჯულებისამებრ; 2. როცა მტერს კლავენ ომში მამულისათვის.
კ. როგორი შემთხვევები ეკუთვნის კიდევ სჯულის დამარღვევლ მკვლელობებს?
გ. შემდეგნი: როცა მსაჯული დასჯის ბრალდებულს, რომლის უდანაშაულობა იცის; როცა მალავენ, ანუ ათავისუფლებენ მკვლელს და ამით აძლევენ შემთხვევას ახალი მკვლელობისა; როდესაც არ იხსნიან მახლობელს სიკვდილისაგან, თუმცა კი შეუძლიათ გადარჩენა.
კ. კიდევ რა ცოდვებს გვიპრძალავს მეექვსე მცნება?
გ. თვითმკვლელობას, განრისხებას, სიძულვილს, შურს, სისატიკეს, შფოთსა და ჩხუბს.
კ. რას გვიპრძანებს ეს მცნება?
გ. დავიცვათ მოყვასის და საკუთარი თავის სიცოცხლე და კეთილდღეობა, დავიცვათ ჩვენი ჯანმრთელობა, შევეწიოთ ლარიბს, მოგუაროთ ავადმყოფს, ვანუგეშოთ მწუხარე, ვაპატიოთ შეურაცხყოფა და კეთილი ვუყოთ მტერს.

მეშვიდე მცნება

- კ. როგორ გამოითქმის მეშვიდე მცნება?
გ. არა იმრუშო.
კ. რას გვიპრძალავს ეს მცნება?
გ. მრუშობას, ანუ ყოველგვარ ურიგოსა და უწმიდურ ხორციელ სიყვარულს.
კ. რას უნდა განვერიდოთ, რომ არ ჩავარდეთ ამ ცოდვაში?
გ. უნდა განვერიდოთ ყოველივეს, რასაც შეუძლია აღმრას ჩვენს გულში უწმინდური გრძნობები და რაც შეაცდეს კაცს, სახელდობრ: ნაყროვანებასა და მთვრალობას, ცუდ სიტყვებს, ურცვ სიმღერას, ცეკვას, თამაშა და ხუმრიბას.
კ. რას გვიპრძანებს ეს მცნება?
გ. ცოლ-ქმარს — ერთმანეთის სიყვარულსა და ერთგულებას, ხოლო უქორწინებელთ — სიწმიდეს და უმანქოებას.

მერვე მცნება

კ. როგორ გამოითქმის მერვე მცნება?
მ. არა იპარო.

კ. რას გვიკრძალავს ეს მცნება?
მ. ქურდობას, ანუ სხვისი ნივთის მითვისებას.

კ. რა ცოდვებია აკრძალული ამ მცნებით?

მ. ქურდობა, ანუ ფარულად სხვისი ნივთის მითვისება; გაძარცვა, ანუ ძალით სხვისი ნივთის წართმევა; მოტყუება, ანუ ცბიერებით სხვისი საკუთრების მითვისება; მკრეხელობა, ანუ მითვისება იმისი, რაც ღმრთისათვის არის შეწირული, ან ეკლესის ეკუთხნის; მექრთამეობა, მუქთახორობა, როცა ხელფასს იღებენ და საქმეს არ აყეთებენ; ან შეუძლიათ მუშაობა, მაგრამ სიზრმაცის გამო არ მუშაობენ და მოწყალების გამოთხოვნით ცხოვრობენ; ანგარება, როცა ავიწროებენ მოყვასს, სარგებლობენ მისი გაჭირვებით.

კ. რას გვასწავლის მერვე მცნება?

მ. უანგარობას, ერთგულებას, პატიოსნებას, მართლმსაჯულებას, ღარიბთა შეწყალებას.

მეცხრე მცნება

კ. როგორ გამოითქმის მეცხრე მცნება?

მ. არა ცილი სწამი მოყვასისა შენსა წამებითა ცრუითა.

კ. რა ცოდვებია აკრძალული ამ მცნებით?

მ. ცრუმოწმობა, ცილისწამება და ყოველგვარი სიცრუე.

კ. რას გვასწავლის ეს მცნება?

მ. რომ ყოველთვის სიმართლეს ვამბობდეთ.

მეათე მცნება

კ. როგორ გამოითქმის მეათე მცნება?

მ. არა გული გითქმიდეს ცოლისთვის მოყვასისა შენისა, არა გული გითქმიდეს სახლისათვის მოყვასისა შენისა, არცა ყანისა მისისა, არცა მონისა მისისა, არცა მხევლისა მისისა, არცა ხარისა მისისა, არცა ყარაულისა მისისა, არცა ყოვლისა მისთვის, რაიცა იყოს მოყვასისა შენისა.

კ. რას გვიკრძალავს ეს მცნება?

მ. ის გვიკრძალავს არათუ ცუდ საქმეს, არამედ ცუდ სურვილსაც და ცუდ ფიქრსაც კი, რომ ცუდმა ფიქრმა და სურვილმა არ მიგეუვანს ცუდ საქმემდე.

კ. რომელია ამ მცნების საწინააღმდეგო ცოდვა?

მ. წური.

კ. რას გვასწავლის ეს მცნება?

მ. იმსა, რომ გვიყვარდეს სხვა, როგორც საკუთარი თავი და გვინდოდეს სხვისთვის ყოველივე კარგი; კმაყოფილი ვიყოთ იმით, რაც გვაქვს და წმიდად დავიცვათ გული.

Ց Ա Ե Վ Ա Ր Տ Ո

| | | | | | | | | | | | | | |
|----------------------------|---|---|---|---|---|---|---|---|---|---|---|---|----|
| Հրանտիանցուլո թոմուշընթագա | . | . | . | . | . | . | . | . | . | . | . | . | 3 |
| Տարբաշունչիս սննդալու | . | . | . | . | . | . | . | . | . | . | . | . | 3 |
| Տասկեցա (օմելո) | . | . | . | . | . | . | . | . | . | . | . | . | 13 |
| Տառապություն | . | . | . | . | . | . | . | . | . | . | . | . | 14 |
| Տոսքարություն | . | . | . | . | . | . | . | . | . | . | . | . | 17 |
| Առ թվական | . | . | . | . | . | . | . | . | . | . | . | . | 18 |

Нестор Кубанеишвили

Краткий Катехизис

(На грузинском языке)

გამომცემლობის რედაქტორი ნ. ხ თ ფ ე რ ი ა
მხატვრების დ. გ ა ვ ა შ ე ლ ი დ ა ე. ფ ა ი ლ ო ძ ე
ტექნიკური ლ. კ უ ჭ უ ხ ი ძ ე
კორექტორი ლ. კ ა ლ ა ნ დ ა ძ ე

გდააეცა წარმოებას 9.01.91. ხელმოწერილია დასაბეჭდად 30.01.91
ანაწყობის ზომა 6,12×9. ქაღალდის ზომა 60×84. ნაბეჭდი თაბაზი 1,5,
შეკვ. 2 ტირაჟი 10.000
ფასი 1 ბან.

გამომცემლობა „ხელოვნება“

თბილისი, დავით აღმაშენებლის გამზ. № 179

Издательство «Хеловнеба»

Тбилиси, пр. Давида Агмашенебели, 179

1991

საქართველოს რესპუბლიკის განათლების სამინისტროს სტამბა, ნუცუბიძის ქ. № 7
Тип. Мин. просвещения Груз. Республики, ул. Нуцубидзе № 7

